

# 國民 文獻 分類 編續

國家圖書館出版社

民國文獻類編續編

教育  
卷

749

民國時期文獻保護中心  
中國社會科學院近代史研究所

編

民國文獻類編續編



教育  
卷  
749



民國時期文獻保護中心  
中國社會科學院近代史研究所  
編

國家圖書館出版社



# 第七四九冊目錄

浙江第二中學校校友會第一次彙報 浙江第二中學校校友會編 浙江第二中學校

校友會，一九一八年出版 ..... 一

浙江省立第二中學一覽 浙江省立第二中學編 浙江省立第二中學，一九二九年

出版 ..... 一〇一

浙江省立第一  
中學學校一覽

民國十四年五月

王兆白題











## 校友會緣起

校長計宗型

易曰同人于門无咎又曰君子以朋友講習今學校之士昕夕聚處講習不勗非同門之友而何以友同級之士爲未足則思友全校之士以友全校之士爲未足則更舉先我而出或後我而入者一一與通聲氣以遂我嚶鳴求友之思此其心固人人有之獨無如一校之新陳推衍往者來者歲易百數積之既久有求其里居職業而不可得者更安得與聯舊好乎惟然而校友會尙已我校開辦較早畢業已十有一載而校友會猶付闕如同學諸子數以爲言余心踐之今年夏復申前請余重違其意於七月十四日開始籌備遂於九月三日告成立開大會焉自今以往千里一室無形骸之隔閱有文字相切磨同門之好愈敦麗澤之益彌廣而余之期望猶不止此學校以學生爲主體則發揚光大之責吾同學自不獲辭會成不獨在校同學時時思有以啓予凡出校之士亦應舉其經歷及見聞所得還以貢諸母校俾主校事者得采擇焉則是會之成且與本校之發展有莫大之關係斯又余心所殷殷屬望



者乎



## 校友會序

三年級生錢肇基

聞之曾子曰君子以文會友以友輔仁禮曰獨學而無友則孤陋而寡聞吾人廁身  
世宙豈能屏閒處而絕交遊哉他山片石可以攻玉同心二人可以斷金是以伐木  
丁丁小雅有求友之賦谷風習習昔賢有棄予之歎雖然出門同人有便辟便佞之  
友有善柔之友友未必盡君子也與益友交固可規過失廣見聞與損友交且入於  
邪辟矣惟吾校友受師長諄諄之教具直諒行行之概敬業樂羣相觀而善以視流  
俗之交固有間矣顧人生聚散至無常也其學成而去者或遠涉重洋或置身朝市  
或學陶朱之居積或同定遠之從戎天各一方離索是憾況後至者未經同席卽相  
見亦不相識如此而欲相道以善相輔以仁其可得乎卽今之濟濟一堂者朝夕過  
從須臾莫失而駒光迅速爲時幾何則又將長亭折柳河梁賦別矣胡馬北上越鳥  
南棲天涯海角黯然魂銷欲如今日之聚首難矣於是校友會尙焉是會也畢業者  
得以話舊後來者由是識荆以切以磋如琢如磨見聞由此以廣友誼因之而睦校



校友會序

四

友會之益豈不大哉中華民國六年月日爲吾校校友會肇立之日小子譚陋得預末席爰誌數語以爲之序



## 本校沿革紀略

清光緒二十七年冬省飭嘉興府知府劉毓森會同郡紳錢駿祥等籌立學校以課嘉屬七邑之士明年冬校舍成十一月上丁釋菜始業以由府立名曰嘉興府學堂三十一年遵行部定等級改稱嘉興府中學堂宣統三年改歸省立稱浙江第二中學堂民國肇興始名浙江第二中學校今因之其主校事者清時曰總辦以嘉興府知府任之曰總理光緒二十八年錢駿祥三十二年陸鄰後改監督光緒三十三年正月韓澄七月譚日森宣統二年正月范連鵬七月方於晉曰協理光緒二十九年岳廷彬二十年盛沅後改襄理光緒三十二年朱振華皆府聘郡紳任之曰堂長光緒二十八年章炳森府委教授任之宣統三年九月浙省光復盡革舊員名稱其冬省委陳宜慈爲校長獨主校事民國元年三月吳文開代之七月省委今校長計宗型繼其任始時校舍因鴛湖書院之舊惟增棧房兩所二十二間及平房十數間今學生寢室自習室等是也光緒三十一年增築教室樓房七間及事務室平房五間始闢操場宣統二年又增教室樓房九間民國三年又增東向大樓房以爲教務室及藏書室五年四月增拓操場以



西爲運動場地廣幾四十畝六月增手工教室一調養室四六年又增寢室樓房十間始時經費府撥七邑漕餘銀月五百元光緒三十二年始增爲月八百元宣統三年改支省款月十一百元民國以來月計千四百餘元云始時招生籍貫限於嘉屬學科獨重經訓文史算術程度之差以甲乙丙丁等爲日各科各自編制甚或差分至十數等光緒三十二年以後始準普通中學制增科目齊年級招生始不限籍宣統元年部令中學以文實分科二年正月始招實科新生一級三年正月續招文實科各一級民國改制文實不分元年三月復招普通科生其舊設之文科改爲普通旋併合實科二年級畢業後文實科不復設焉始時學生無畢業而有申送光緒二十九年褚銘泰金濤三十一年朱金萬曹廷瀾三十二年張受均夏以耀皆以優等申送杭州高等學堂迨三十四年七月爲盛敬明等六人始舉畢業之典自是以來歲必循行

宣統元年趙廷炳等十一人二年張大年等十七人三年高祖誠等十二人民國元年陳宗承等十八人二年李文燕等十一人三年實科吳世煌等十四人四年實科朱耀庭等二十二人五年三月程步高等十八人十二月馬經才等二十二人六年七月張印通等二十九人

至民國七年七月徐震鐸等二十三人畢業凡



十二次一百九十五人云

本校沿革紀略

七



## 本校期年記事

六年八月二十日招考新生正取八十名備取二十名

三十日延胡兆煥任學監兼法制經濟教員史悠溥任體操運動教員單硯田任  
學術教員蔣保澂任校醫兼生理教員吳兆蓉任國文教員徐造時任英文教  
員

九月一日佈告上學年學行俱優前列十名免本學期學費

學行俱優者 黃憲組俞瑞元朱祖榮徐玉相沈金相徐光熙張彥輔華桂馨  
陸本徐佐勳

三日校友會成立

四日學期始業

七日理事會成立

本校課外運動除運動教員逐日指導外向僅由校長學監任監督之責至是



始以職教員六人學生六人共組理事會綜理全校運動事務即日制定章程發布之其運動種類如下

(一)足球(二)排球(三)網球(四)棒球(五)籃球(六)手球(七)田徑賽(八)漕艇(九)游泳術(十)拳術

每種指定選手若干人餘任自認一種以上但拳術一種一年生必須練習

八日發佈運動部規約

運動部規約經理事會修訂本日開會通過

十日舉行一年級始業式

因新建宿舍及自習室開學時未及竣工特令新生展遲一星期到校故本日始行始業式

二十一日發佈藏書室閱書室及借閱圖書各項規則

本校藏書樓距自習室稍遠不便學生閱覽乃分設學生藏書室別編書目分



經史子集科學雜誌六種（計經部二十五種七百〇一冊史部四十種八百五十冊子部十四種四百十二冊集部二十三種三百二十九冊科學部四十八種雜誌部六種）

二十五日調製學生統計表

十月十日選派學生三十二人赴本邑小學聯合運動會擔任各項職務 本邑小學校於本日起舉行聯合運動會三日商清本校學生分任糾察護衛等職務因選派徐佩業等十二人爲護衛員張彥輔等二十人爲糾察員並令全體學生赴會參觀

十五日建立學生實踐事項匾額

本校學則向有學生實踐事項三則是日製成匾額懸之各自習室適中之地  
十九日設成績室

本校學生平時成績向由各科教員保存之試驗成績由書記保存之至是始